



Broj: 07-11-634/22
Vogošća, 06.06.2022. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), Općinski načelnik dana 06.06.2022. godine donio je

**ODLUKU
O PONIŠTENJU OTVORENOG POSTUPKA NABAVKE RADOVA NA IZGRADNJI I
DOGRADNJI JAVNE RASVJETE NA PODRUČJU OPĆINE VOGOŠĆA**

Član 1.

Poništava se Otvoreni postupak izvođenja radova na izgradnji i dogradnji javne rasvjete na području općine Vogošća broj: 07-11-634/22, jer primljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

Član 2.

Odluka o poništenju postupka nabavke će biti objavljena na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 11.04.2022. godine donio Odluku o pokretanju Otvorenog postupka nabavke radova na izgradnji i dogradnji javne rasvjete na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 14.04.2022. godine pod brojem: 1353-1-3-53-3-73/22.

Sažetak Obavještenja o nabavci objavljen je u "Službenom glasniku BiH" broj: 25/22 od 22.04.2022. godine.

Tendersku dokumentaciju sa Portala javnih nabavki BiH je preuzelo 30 (trideset) ponuđača. Krajnji rok za dostavu ponuda bio je 31.05.2022. godine do 16:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 31.05.2022. godine.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljena jedna ponuda i to ponuđača "Ses" d.o.o. Sarajevo, broj int. knjige 203/22, sa ponuđenom ukupnom cijenom nabavke u iznosu od 123.896,55 KM bez uračunatog PDV-a.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponudu, u smislu provjere njene validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-634/22 iz aprila 2022. godine, odnosno pregledu ponude u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Ses" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod b) TD, a u skladu sa članom 51. Zakona od ponuđača su zahtjevane obrazovne i profesionalne kvalifikacije lica koja su angažovana na izvođenju konkretnih radova, i to između ostalih da ponuđači imaju na raspolaganju i 4 (četiri) izvršioca, SSS ili VŠS elektro struke (monteri elektroinstalacija)-III ili V stepen (KV ili VKV monter elektroinstalacija). Tačkom 7.4.2. pod b) TD je propisano da su ponuđači dužni u ponudi dostaviti sljedeće pismene dokaze i to između ostalog za 4 (četiri) izvršioca, SSS ili VŠS elektro struke (monteri elektroinstalacija)-III ili V stepen (KV ili VKV monter elektroinstalacija) potrebno je dostaviti Dipleme/Svjedočanstva o završenoj traženoj stručnoj spremi i dokaze o radnom angažmanu.

Ponuđač "Ses" d.o.o. Sarajevo je u svojoj Ponudi (strana 125-130. Ponude) dostavio Diplomu o završenoj srednjoj školi za Semira Derviševića-elektrotehničara energetike IV stepena i Diplomu o završenoj srednjoj školi za Nermina Alispahića-elektrotehničara elektronike i automatike IV stepena.

Dostavljanjem Diploma za IV stepen stručne spremlje ponuđač "Ses" d.o.o. Sarajevo je postupio suprotno jasno postavljenom zahtjevu ugovornog organa iz tačke 7.4.1. pod b) TD, a kojom su nedvosmisleno zahtjevani radnici SSS ili VŠS elektro struke (monteri elektroinstalacija)-III ili V stepen (KV ili VKV monter elektroinstalacija).

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

- Tačkom 9.8.1. TD je propisano da će ugovorni organ dostaviti na potpis izabranom ponuđaču prijedlog Okvirnog sporazuma i to nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude. Prijedlog Okvirnog sporazuma je uključen u Aneks 7. tenderske dokumentacije ("Nacrt"). Ponuđač treba potpisati prijedlog Okvirnog sporazuma i popuniti sve dijelove koji su ostavljeni prazni (Nacrt Okvirnog sporazuma mora biti uredno popunjen, potpisan i ovjeren pečatom ponuđača). Ponuđač "Ses" d.o.o. Sarajevo je propustio da popuni dijelove koji su ostavljeni prazni u Nacrtu Okvirnog sporazuma-član 4. Nacrta (str. 173. Ponude), te je na taj način postupio suprotno jasno postavljenom zahtjevu ugovornog organa iz TD. Navedene činjenice kao žalbene navode koji su usvojeni kao osnovani potvrđuje i praksa Ureda za razmatranje žalbi BiH-Filijala Mostar kroz Rješenje broj: JN2-03-07-1-587-8/19 od 28.03.2019. godine.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju Otvorenog postupka nabavke radova na izgradnji i dogradnji javne rasvjete na području općine Vogošća, iz razloga jer primljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. "Ses" d.o.o. Sarajevo
2. Nadležnoj Službi
3. U dosije
4. a/a

033/766-557



OPĆINSKI NAČELNIK

Edin Smajić

Edin Smajić